

I Z V J E Š T A J
O KORIŠTENJU SREDSTAVA TEKUĆE REZERVE BUDŽETA
TUZLANSKOG KANTONA ZA PERIOD 01.01. – 30.06.2025. GODINE

Zakonom o izvršenju budžeta Tuzlanskog kantona za period 01.01.-31.12.2025. godine ("Službene novine Tuzlanskog kantona", broj: 18/24 od 28.12.2024. godine) u članovima od 43. do 46. definisani su korisnici sredstava tekuće rezerve, kriteriji za korištenje sredstava tekuće rezerve i procedure za dodjelu istih. Usvojenim budžetom Tuzlanskog kantona za 2025.godinu planirana su sredstava tekuće rezerve u iznosu od 800.000,00 KM, dok usvajanjem Izmjena i dopuna budžeta Tuzlanskog kantona za 2025.godinu ("Sl.novine Tuzlanskog kantona", broj: 7/25 od 29.04.2025.godine) planirana sredstva za tekuću rezervu su povećana na 1.000.000,00 KM.

Budžetskim korisnicima može se odobriti korištenje sredstava tekuće rezerve ukoliko ispunjavaju jedan od sledećih kriterija:

- a) finansiranje nepredviđenih rashoda i izdataka za tekuću fiskalnu godinu,
- b) finansiranje nepredviđenih troškova za sponzorstva i pokroviteljstva, kada se kao sponzor ili pokrovitelj pojavljuje Vlada Kantona,
- c) sufinansiranje odobrenih programa/projekata finansiranih iz drugih izvora, a koji se realiziraju sa domaćim ili inozemnim partnerom ili drugim nivoima vlasti.

Drugim nivoima vlasti može se odobriti korištenje sredstava tekuće rezerve u slučaju elementarnih nepogoda i drugih prirodnih nesreća, pod uslovom da je stanje elementarne nepogode proglašeno od strane nadležnog organa.

Ostalim korisnicima može se odobriti korištenje sredstava tekuće rezerve u slučaju:

- a) finansiranja dijela nepredviđenih troškova za učešće pojedinaca i udruženja građana ili sportskih klubova s područja Kantona na svjetskim, evropskim i državnim takmičenjima, manifestacijama i skupovima, ako se takvo učešće nije moglo predvidjeti na početku fiskalne godine,
- b) finansiranje nepredviđenih projekata od interesa za Kanton,
- c) u drugim slučajevima, kada Vlada Kantona utvrdi da je korišćenje sredstava tekuće rezerve za pokriće nepredviđenih troškova ostalih korisnika od interesa za Kanton.

Odluku o korištenju sredstava tekuće rezerve donosi Vlada Kantona u skladu sa kriterijima za upotrebu sredstava tekuće rezerve utvrđenih Zakonom o izvršenju budžeta Tuzlanskog kantona, a na prijedlog Ministarstva finansija.

U periodu 01.01.-30.06.2025. godine Vlada Tuzlanskog kantona je donijela Odluke o odobravanju sredstava na teret budžetske pozicije tekuća rezerva budžeta u ukupnom iznosu od 304.919,52 KM, što u procentima iznosi 30,49 % u odnosu na planirana sredstva tekuće rezerve u Budžetu Tuzlanskog kantona, a izvršenje po Odlukama iznosi 304.572,92 KM.

OBRAZAC 4.

PREGLED ODLUKA O KORIŠTENJU SREDSTAVA TEKUĆE RAZERVE BUDŽETA TUZLANSKOG KANTONA ZA PERIOD 01.01. - 30.06.2025. GODINE PO BUDŽETSKIM KORISNICIMA

Red. broj	Broj i datum odluke	Broj i datum Službenih novina TK	Predlagač/ Korisnik sredstava	Organiz. kod	Svrha odluke	Ekon. kod	Iznos Odluke	Realizovani iznos Odluke
1.	<u>JU MJEŠOVITA SREDNJA ELEKTROTEHNIČKA ŠKOLA TUZLA</u>							
1.1.	02/1-11-3637/25 od 19.02.2025. godine	Sl. novine br. 5/25 od 21.03.2025. g.	JU Mješovita srednja elektrotehnička škola Tuzla	24030012	Rekonstrukcija postojećeg energetskeg razvoda i razvodnih ormara po kabinetima i rekonstrukcija razvodnih tabli.	821600	36.422,10	36.075,50
2.	<u>JU OŠ "SOKO" GRAČANICA</u>							
2.1.	02/1-11-3973-1/25 od 19.02.2025. godine	Sl. novine br. 5/25 od 21.03.2025. g.	JU OŠ "Soko" Gračanica	24020079	Finansiranje nepredviđenih rashoda i izdataka isplate otpremnine zbog odlaska u penziju zaposleniku po Rješenju broj: 02/112/25 od 30.01.2025. godine	611200	9.883,52	9.883,52
3.	<u>JU OŠ "BREŠKE" BREŠKE</u>							
3.1.	02/1-11-3973-2/25 od 19.02.2025. godine	Sl. novine br. 5/25 od 21.03.2025. g.	JU OŠ "Breške" Breške	24020050	Rekonstrukcija postojećeg odžaka za centralno grijanje.	821600	6.926,40	6.926,40
4.	<u>MINISTARSTVO PRIVREDE</u>							
4.1.	02/1-11-12043/25 od 22.04.2025. godine	Sl. novine br. 9/25 od 06.06.2025. g.	Privredno društvo "MELIMED" d.o.o. Gradačac	31010001	Sufinansiranje troškova nabavke materijala za sanaciju proizvodne hale, koja je oštećena usljed elementarnih nepogoda dana 24.12.2024. godine na području Grada Gradačca.	615500	107.000,00	107.000,00
5.	<u>MINISTARSTVO ZA KULTURU SPORT I MLADE</u>							
5.1.	02/1-11-12693/25 od 30.04.2025. godine	Sl. novine br. 9/25 od 06.06.2025. g.	Klub borilačkih vještina "Flek Tom-Cat" Tuzla	32010001	Organizacija "Prvenstva Bosne i Hercegovine u kickboxu u svim uzrastima, discipline K1 style, full contact i light contact" koje će se održati 10. i 11.05.2025. godine u Sportskoj dvorani Skenderija Gradačac. Sredstva su odobrena prema dostavljenoj specifikaciji troškova u svrhu sufinansiranja dijela troškova iznajmljivanja tehničke opreme, led-ozvučenje i rasvjeta, dnevnice i putni trošak za sudije i službena lica, troškovi medalja, pehara, diploma i online prenosa.	614300	15.000,00	15.000,00

5.2.	02/1-11-12695/25 od 30.04.2025. godine	Sl. novine br. 9/25 od 06.06.2025. g.	Sportski klub invalida sjedeće odbojke "Sinovi Bosne" Lukavac	32010001	Sufinansiranje troškova učešća na finalnom turniru Lige prvaka Evrope za muškarce za 2025. godinu (Europe Champions Cup Men 2025) koji će se održati u periodu od 01. do 04.05.2025. godine u Leverkusen - Njemačka. Sredstva su odobrena za sufinansiranje troškova prevoza ekipe autobusom na relaciji Lukavac - Leverkusen - Lukavac u periodu od 29.04. do 04.05.2025. godine, a prema finansijskom planu učešća na turniru.	614300	10.000,00	10.000,00
5.3.	02/1-11-18015/25 od 10.06.2025. godine	Sl. novine br. 11/25 od 22.07.2025. g.	Karate savez Bosne i Hercegovine	32010001	Refundacija troškova za organizaciju odlaska i učešća članova reprezentacije BiH sa područja Tuzlanskog kantona na Balkansko prvenstvo za djecu u Bar - Crna Gora koje se održalo u periodu od 30.05. do 01.06.2025. godine. Sredstva su odobrena prema prethodno dostavljenoj specifikaciji troškova u svrhu refundacije dijela troškova smještaja, za članove reprezentacije BiH sa područja Tuzlanskog kantona.	614300	12.760,00	12.760,00
6.	<u>MINISTARSTVO OBRAZOVANJA I NAUKE</u>							
6.1.	02/1-11-18016/25 od 10.06.2025. godine	Sl. novine br. 11/25 od 22.07.2025. g	Udruženje Društvo fizičara u Federaciji Bosni i Hercegovini	24010018	Sufinansiranje odlaska i učešća mladih fizičara iz Bosne i Hercegovine na prestižnim međunarodnim takmičenjima iz fizike, među kojima su i predstavnici sa područja Tuzlanskog kantona. Muhamed Numanović, učenik srednje škole sa područja Tuzlanskog kantona, član je tima koji će predstavljati Bosnu i Hercegovinu na 9. Evropskoj olimpijadi iz fizike, koja će se održati u Bugarskoj u periodu od 13. do 17. juna 2025. godine. Muhamed Numanović i Lejla Baturić, takođe učenica srednje škole sa područja Tuzlanskog kantona, članovi su ekipe koja će učestovati na 55. Međunarodnoj olimpijadi iz fizike, koja će se održati u Francuskoj od 17. do 25. jula 2025. godine.	614300	6.927,50	6.927,50
7.	<u>MINISTARSTVO PRIVREDE</u>							
7.1.	02/1-11-19482/25 od 25.06.2025. godine	Sl. novine br. 11/25 od 22.07.2025. g	Privredno društvo "HRASTIK" d.o.o. Živinice	31010001	Sufinansiranje nabavke opreme - linije za proizvodnju drvenog peleta, koja je potpuno oštećena u požaru koji se dogodio dana 12.04.2025. godine	615500	100.000,00	100.000,00
Ukupno za I kvartal (01.01.-31.03.2025. godine)							53.232,02	16.809,92
Ukupno za II kvartal (01.04.-30.06.2025. godine)							251.687,50	287.763,00
SVEUKUPNO za period 01.01.-30.06.2025.godine:							304.919,52	304.572,92
Budžeta 2025.g							1.000.000,00	